

TE HEHEURAA API

I Neia I Te Piha Neneiraa A Te Ekalesia A Iesu Mesia I Te
Feia Mo'a No Te Mau Mahana Hopea Nei, I Papeete,
Tahiti, I Te Mau Fenua Sotaiete, I Te Mau
Ava'e Atoa.

Te hoo: E Piti Toata i te Matahiti.

Nu. 10

Atopa 1934

Mat. 28


*"Inaha hoi, ia faaroroa outou i te mahana e tatarahapa
ai outou ra, e ia tae mai i te pohe, ua riro outou ei tavini o te
varua o te diabolō, e e tamau oia ia outou no'na iho; no reira
i faarue ai te Varua o te Atua ia outou."* Alama 34:35.

Setefano L. Ritate.

Ua fanau Setefano L. Ritate i roto i teie nei ao i te 18
no Tiunu i te matahiti 1879, i te oire Mendon i te
tufaa fenua Utaha. E mootua oia no Viliadi Ritate te tau-
turu piti no te Peresideni Birikama Youne i roto i te Peresi-
deniraa no te Ekalesia. O Viriadi Ritate, te tupuna tane no
Tetefano, o tei haere i roto i te fare auri i Karatage i te taime
i pupuhibia'i Iosepha raua o Haeramu Semita; oia tei tautu-
ru ia raua i roto i to raua peapea, e ua ite oia i to raua
poheraa.

Setefano L. Ritate te metua no Setefano tamaiti, o te
hoê taote rahi i Utaha, e ua rahi te mau taata ta'na i raau e
ta'na i tauturu ma te moni ore.

Ua haere Setefano tamaiti i te mau haapiiraa no te



E HOHOA TEIE NO TE HOE APOSETOLO

SETEFA NO L. RITATE

fenu
Iren
rufaa
nai r
te ol
maon
taata
te to
faate
roa t
to'na
te m
haap
nume
i ta'n
Ua m
ei Ap
Mau
ta'na
e mai
oia i
te taa
e reo
e te p
huru
na ro
taata
rii e to
to rato

fenua, e ia oti tera mau haapiiraa ia'na, ua faaipo'po oia Irene Merrill, e ua hoo mai rana i te hoê faaapû i roto i te tufaa fenua Idaho; te fare i nia i tana faaapu ra, e mea nainai roa, e hoê noa iho piha tei roto. Noa'tu ra i te toetoe e te ohipa rahi, ua itoito rana i te raveraa i te ohipa. Aita i maoro to rana parahiraa i tana fenua ra, ua ite mai te mau taata e, e taata apî, e ua ani mai ratou ia Setefano ia farii i te toroa faatere haapiiraa tamarîi, e ua farii Setefano, e ua faatere oia i tera ohipa i te tahi mau matahiti, e ua maurnuru roa te mau taata'toa i ta'na faatereraa. I reira, ua tupu to'na hiuaro ia riro oia ei taata haapii ture, e ua rave oia i te moni ta'na i haaputu e ua haere atura oia i roto i te hoê haapiiraa rahi. I roto i tana haapiiraa ra, ua riro oia ei pipi numera hoê, e ua maere te mau orometua i to'na ite.

I te 11 no Tenuare i te matahiti 1905 ua horoa te Hau i ta'na parau faatia, ia tia ia'na ia rave i te ohipa haapii ture. Ua manuia roa oia i roto i teie ohipa.

I te 18 no Tenuare i te matahiti 1917 ua maitihia oia ei Aposetolo no te Ekalesia a Iesu Mesia i te Feia Mo'a i te Mau Mahana Hopea nei. E i tereira taime ua faaea oia i ta'na ohipa haapii ture, e ua haamata oia i ta'na ohipa apî, e mai te reira mahana e tae roa mai i teie nei, ua itoito roa oia i te haapao i te ohipa tei horoa hia na'na ia rave. Eita te taata e fiu i te faaroo raa ia'na i te aoraa'tu i te Evanelia, e reo nehenehe roa to'na, e ta'na mau haapiiraa e mea paari e te papu hoi, e to'na oraraa i roto i teie nei ao hoê â ia huru i ta'na mau aoraa; te haapii atu nei oia i te Evanelia na roto i to'na oraraa. E taata fuatura hia oia e te mau taata atoa.

Ua fanau mai ta Setefane rana o Irene e too iva tamarîi e te ora nei ratou, e te pee nei ratou i te mau haapiiraa a to ratou na metua.

Te haapii mai nei to tatou taeae, na roto i to'na ora
raa i te mau mahana atoa e, noa'tu i to tatou huru i roto i
teie nei ao, e noa'tu e hoê noa iho piha to tatou i roto i to
tatou fare, mai te mea, te vai nei te faaroo, te mana'o para-
utia, e te hinaaro i te rave i te ohipa, e noaa mai ia tatou,
te fare rahi e te mau mea nehenehe atoa no teie nei ao, e no
te ao i mua nei, e e papai hia to tatou mau io'a i nia i te hoê
tapura rahi, ma te faaite atu i to te ao atoa nei e, "E taata
parautia teie."

Papaihia e Leroi Marori.

Te Paturaa I To Tatou Oraraa.

Paturaa. Te auraa o teie parau, o te faatiaraa ia o te hoê
mea, i roto i to tatou oraraa nei, na mataitai paha tatou i te
paturaa i te tahi mau fare, a haamana'o tatou i to tatou fare
pureraa. Eaha te huru no te ohipa, e tia raa nehenehe to
taua fare ra, a feruri rii tatou na nia i taua vahi ra. Te ohipa
matamua o te imiraa ia i te vahi e aore ra te fenua e au no
taua fare ra, e ia iteahia e faanehenehehia taua vahi mai te
faaafareraa e te vaereraa i te fenua. E ia oti i te reira e
patu tatou i te niu e imi tatou i te mau ofai maitai e ia haa-
mata tatou i te patu eita tatou e patu noa i nia i te one, e ô
tatou i te fenua ia tae tatou i nia i te vahi paari, e rave
tatou i teie mau ofai maitatai e e haamata i te paturaa, e faa-
faro maitai tatou i taua paturaa, ia anoi maitai hia te one e
te tima e ia afaro e ia paari maitai te mau ohipa no teie niu
e tia'i, no te mea, ia oti te paturaa o taua fare teitei ra, mai
te mea ua paruparu e aore ra, ua hape te paturaa o taua niu
ra e parari to tatou fare no te mea aita to'na e tiaraa papu.

Te mau mea atoa i roto i teie nei ao, e niu to tatou, e

ia patuhia to ratou niu i nia i te ofai e te vahi papu, e ia tae mai te matai e te vero eita taua mau fare ra e parari no te mea e tiaraa papu to ratou, ua patuhia to ratou niu i nia i te ofai **parau mau**, te ofai tumu ia o te mau mea atoa.

Paturaa i to tatou Oraraa, Ia ite tatou i te hoê fare teitei roa, e tupu to tatou maere i te teitetraa, e te nehenehe raa, o taua fare ra e e maere tatou i te chipa e te faatere raa a te taata nei i te paturaa i taua fare ra. Areara ia feruri tatou na nia i te huru i te paturaa i to tatou ora raa nei, ua rahi roa to tatou maere i te mau mea tei tuu hia mai, e tei tauturu mai i te paturaa i to tatou ora raa nei.

Hoê â huru teie na paturaa e piti, oia hoi, e niu to raua e e faitohia to rana paari na roto i te tiaaraa e te papuraa o taua niu ra. Na mua to tatou haeraa mai i roto i teie nei ao, ua haamata tatou i te patu i to tatou niu, na roto i te haapiiraa e te haapaoraa i te mau ture e te mau faaueraa tei horoahia mai ia tatou ia haapii e ia haapao i roto i tera haapiiraa rahi i te *Ao Varua*, e na roto i to tatou tamauraa i tera mau haapiiraa, e te haapaoraa i taua mau ture e taua mau faaueraa ra, ua roaa mai ia tatou i to tatou parau faatia, ia nehenehe ia tatou ia haere faahou mai i mua, i roto i teie haapiiraa i te pae *tino nei*. Mai te mau tamarii i roto i te mau haapiiraa no te Hau, eita e tia ia haere ratou i roto i te haapiiraa teitei na mua, ia haere ra ratou i roto i te haapiiraa haehaa na mua, e i haapao ratou i te mau ture e te mau faaueraa no taua haapiiraa ra e roaa mai ia ratou i te ite, e na roto i to ratou ite e horoa hia mai ta ratou parau faatia, mai te faaite atu i te mau orometua no te haapii raa teitei e te mau taata atoa, ua haapao teie tamarii i te mau ture e te mau faaueraa, e tei ia'na te ite, e tia'i ia'na ia haere i mua i roto i te haapiiraa teitei.

No reira, na nia i teie niu tei patuhia i te *Ao Varua*,

e na roto i te tautururaa o to tatou na metua e patu tatou i to tatou ora raa i roto i teie nei Ao. E piti huru to tatou, *te tino e te Varua*, e na roto i te tahoê raa i teie na mea e piti ua riro ia O. OE. Tei ia'oe to oe tiamâraa, e haapao oe mai te au i to oe hinaaro, e haapao e e faatere oe i te paturaa i to oe ora raa i roto i te ao nei. Eaha te huru o te mau ofai ta oe e tuu i roto i te paturaa i to oe fare ora raa, te mau ofai anei mai te haavare, te eia, te taparahi taata, te taiata e te parautia-ore, e e anoi oe i te reira mau ofai i te tina e te one, e te avaava, e te mau mea taero au ore ra, ia haaparuparu i to oe fare ora, e aore ra e patu oe i to oe fare ora na roto i te mau ofai mai te parautia, te parau mau, te aroha, te here e te hamanimaitai atu i to oe taeae e e anoi i ta oe tina e te one e te mau mea maitai o te au no te faaito-itoraa, i ta oe paturaa, tei ia oe te maiti i ta oe i hinaaro, tei ia oe te maiti i te huru o te fare ta oe i hinaaro no'oe.

Papaihia e Leroi Marori.

Te Hoê Parau I Faaite Hia Ia Mose I Nia I Te Mou'a.

¶ Te hohoa o te afata faufaa i faaite hia mai ia Mose i nia i te mou'a Mo'a ra.

I te hinaaro raa te Atua e hamani i te tahi afata vai raa no te mau ture. Ua faaite mai oia ia Mose i te hohoa e te hamani raa no te reira i nia i te mou'a Mo'a ra. Exodo 25,9 40.

Te hohoa o te Sekene. Ua faaite atoa hia ia ia Mose i nia i te mou'a. Exodo 26 30.

Te hohoa o te Hiero Ierusalema ra, ua faaite hia mai ia e te varua ia Tavita e ua papai hia i nia i te pépa. I tia'i ia

Toromona ia hamani i taua fare neheuehe hau ê ra. I Paraleipomeno 28:11,12,19.

Ua tohu te Peropheta ra o Isaia. i te na o raa e, “E riro ia tae i te mau mahana hopea ra, e faatia hia i te moua o te fare o Iehova i nia i te tupuai moua e faateitei i nia’e i te mau aivi e tairuru atoa mai te mau Etene i reira. Isaia 2: 2.3. Ua tupu taua parau ra i to te Ekalesia tae raa i te pae i te to’o’a o te râ, i te peho ra o Roto Miti, Utaba. Ua faaite hia mai te hohoa o taua fare ra ia Birikama Youne. Ua ite oia e toru fare i roto i te hihî mahana. Hoê fare menemene, hoê Hiero, e hoê fare rahi, (“Mai tei hamani hia i Roto Miti i teie nei mahana”)

E te vai ra i roto i taua mau fare ra te mau mea maere rahi no teie nei ano tau, e te haere mai nei to te mau fenua’toa, e hi’o i taua mau mea ra.

E ua tae vau iho i reira e ua hi’o i taua mau mea maere rahi ra. E oia mau â.

Papaihia e Toae Maire

Te Mafatu Api.

I te tahi na tau i mairi a’enei ua tupu te hoê apooraa rahi, na te feia paari no te iniraa i te mau ravea ia mou te taparahi taata, i te oire ra o San Francisco, Amerika. I roto i taua apooraa ra, ua rave rahi te mau taata paari tei parau i reira no te faaiteraa i to ratou mau mana’o.

Te mau parau tei tai’ohia i roto i taua apooraa ra, e mau parau paari ana’e ia, e aore te rahiraa o te mau taata i haroaroa i to ratou aūraa, no to ratou paari.

I roto i te hoê o to ratou apooraa hopea, ua tia mai te hoê taata tei ore roa i ite hia, e ua ani mai oia ia faatiahia

oia ia paraparau rii, e afaatiahia'i oia ua faaite oia i te huru o to'na oraraa mai teie te huru.

“E ere vau i te taata paari no te imiraa i te mau ravea no te faaoreraa i te taparahi taata, aita vau i haere i te mau haapiiraa teitei. Ua riro vau ei taata rave hara i na matahiti i mairi a'enei e na pinepine to'u tuuraa hia i roto i te mau fare tapearaa. I te tahi mahana ua haere mai te hoê potii apî e farerei ia matou i roto i te fare tapearaa, e mitinare oia. Ua haere mai oia i pihaiho i to'u piha ma te hoê buka iti i to'na rima e ua horoa mai oia i taua buka iti ra mai te ani mai ia'u e tai'o anei au i te reira. Ua pahono atura vau e, eita vau e haamanu'a i to'u taime no te tai'oraa i te hoê buka e ua rave au i taua buka iti ra e taora atura i te reira i te poro o to'u piha.

Ua vai noa oia i reira i na mahana e rave rahi. Ia tae ra i te hoê mahana ua haumani roa vau, tupu atura te mana'o i roto ia'u ia rave i taua buka iti ra e haamata'tura i te tai'o i taua buka iti ra. E taua buka ra o te fanfaa apî ia.

Na roto i to'u tai'oraa i tana buka ra tia tura ia'u ia faatupu i te hohoa, i roto i to'u iho mana'o, no te Mesia haehaa e te maru. Na te reira hoho'a i haamaru i to'u nei mafatu e i reira tupu atura te mana'o, i roto ia'u, e faaafaro vau i to'u haereraa.

Mai te reira mahana mai â ua afaro vau i roto i to'u haereraa i mua i te taata atoa.”

E aamu nehenehe roa to taua taata ra, no te mea i to'na apîraa ua faaite oia i to'na huru ino e te patoi i te mau ture atoa, e i roto i hoê taime poto roa ua maru roa oia e ua faarue oia i to'na mau mana'o ino atoa. Na vai i faahuru e ia'na? O te reira te vahi tei hau a'e i te nehenehe e te ora i roto i te faaroo. Na roto i to'na faaroo ia Iesu Mesia ua riro teie nei taata ino roa i te matamua ei taata haehaa, e te

maru e te aroha atoa hoi.

O te hohoa mau â te Atua no te maitai e te parau mau. O te faaroo ia'na o te faaroo ia i te mau parau mau atoa e te hanahana o te oraraa nei. Na roto i te mau tumu o tana faaroo ra, o te ore roa e pohe, e faateiteihia to tatou oraraa nei i te faito o te hanahana e te parau tia.

I roto to'na tatararaa i te auaa no ia'na ohipa Faaora, ua parau o Iesu: "E inaha o van nei, ia faateitei hia van no nia a'e i teie nei ao, e ume mai au i te mau taata atoa ia'u?"

Na roto i te heheuraa i to'na mana, to'na here e to'na hapa ore, e faatupu oia, i roto i to tatou mau mafatu, te here e te faaroo o te afai ia tatou i nia e tae noa'tu i te faitora a ia'na.

O te huru ia o te faaroo. I roto i te basileia o te varua, aita'tu e mea nehehe a'e i te reira i te ao nei, no reira o Paulo i parau aie, "E tamâ mau â te Atua i to tatou mau mafatu na roto i te faaroo."

Papaihia e Marcel Bonnet.

Te Mau Parau Api.

E pupu himene tuiroo.

Ua faaitchia i roto i te hoê ve'a, no te 11 no Atete i mairi a'enei, e tonohia, e te Ekalesia a Iesu Mesia, te pupu himene tuiroo a te Momoni i te taurua raa Rahi no te mau Hau atoa, tei faaputupu i te cire ra o Chicago, Amerika, i raro a'e i te Peretiteniraa o te Epitekopo ra o Davida A. Semita, e na te taeae ra o George. D. Pipper e haapao i taua tereraa ra.

Te mana'ohia nei e, e haere atoa te Peresideni ra o Hebera J. Garanata e taua pupu himene ra, e te tiaturi atoa hia ra e, e haere mai te taeae ra o Reubena Tarati e farerei ia ratou i Chicago.

Te haere nei taua pupu himene rahi ra, i Chicago, no te himene atu i te tahi mau himene e piti taime i te mahana, hoê i te avatea e hoê i te ahiahi, e pau noa'tu hoê hepetoma. Na te Orometua ra o A. J. Lund e faatere i taua mau himeneraa ra, no te mea e taata aravihi oia i taua ohipa ra.

I te mau taime e himene ai taua pupu himene ra, e tun hia ia te reira na roto i te radio, e i te reira mau taime e faaroo e pae milioni taata ia ratou i te himene raa.

Ua tae i te vahi hohonu.

I teie nei ua tae te taata i te vahi hohonu roa, no te mea, i te ava'e i m'iri a'eneiua haere na taata ra o Dr. William Beebe raua o Otis Barton, na roto i ta raua opupu api, mai te poro te huru i te menemeneraa, i te hohonu ra e 2.510 avae, oia hoi, ua fatata raua i te afa maile i raro i te moana.

I to raua tae raa i tera hohonu, ua nenei raua i te tahi mau hoho'a no te mau i'a e vai i raro roa i te moana, no te mea ua hamani hia ta raua opupu ma te haamaramarama hi'o.

Te faaite nei raua e, e tae te maramarama o te mahana i te hohonu 1.900 avae, e te mau i'a e te mau rimu e vai i reira e mea huru e roa ia i tei vai i nia nei, e te parau atoa nei raua e, e mea faufaa ore te mau tura upea i te vahi hohonu roa, no te haru mai i te mau i'a no te reira mau vahi, no te mea e mea vitiviti roa te pae rahi o te mau i'a i te reira mau vahi hohonu.

E taata moni mau.

Te faaite hia nei, no Paris, Farani e, ua hoo mai te taata ra o Andrew W. Mellon, no roto mai i te rima o te Hau api no Rutia, i te hoê hoho'a tahito roa, tei parauhia te "Alba Madonna" no te moni ra e hoê milioni, e pae haneretauatini tara moni Amerika (1.500.000. \$.) Te faaite atoa hia ra e, te tumu oia i hoo mai ai itana hoho'a ra, no te mea tevai nei, ia'na, te tahi mau hoho'a tahito tei penihia e te taata tei peni itaua hoho'a ra, te "Alba Madonna".

E pohe raa aroha.

I te 17 no Atete i mairi a'enei ua pohe roa te vahine ra o Clarence L. Merrill, i te rima o to'na iho tamaiti o iti o Douglas Merrill.

Mai teie te huri o to'na poheraa; i taua mahana ua hoi mai oia i te fare na te fare ma'i mai oia, i fanau na hoi i te hoê tamahine iti, e ua tuhia oia i nia i to'na na ro'i, no te vaiiho raa ia'na. I taua taime ra, no te oaoa o ta'na tane, e mutoi hoi, ua vaiiho oia i ta'na pupuhi tiriumu i nia i te roi e aita i haapao faahou i te reira, Haere mai ra ta rana tamaiti iti, o Douglas, rave atura i taua pupuhi e hauti atura e ia huru maoro, haruru atura taua pupuhi ra, puta atura to'na iho metua vahine, tei pohe roa, noa'lu te mau ravea tei ravehia i nia ia'na e te mau taote. Te tumu teie tamaiti i hauti ai i taua pupuhi ra, ua matau oia i te hauti i te pupuhi rii na te tamarii, no reira ua mana'o oia e pupuhi teie mai ta'na iho e ua pata oia i te pataraa.

Ua pohe roa.

I te 13 no Atete i mairi a'enei i pohe roa'i te 4 o te tamaiti o te arii tahito no Paniora, oia hoi te tamaiti ra o Don Zonzalo.

Te tumu oia i pohe ai, ua pepe oia i roto i te huri raa o te hoê pereoo uira tei faahorohia e to'na iho tuahine, e ere ra no to'na peperaai i pohe ai oia, o te hoê ia parau na te hoê taote, no te mai tumu ra o to'na au'au fetii te hemophilia, oia hoi, e mai huru e no te mea o te taata tei pohe i taua ma'i ra, ia pepe rii oia, e tahe noa to'na toto ma te ravea ore ia haamuhu i te reira. O te reira te tumu i pohe taua tamaiti arii ra eiaha no to'na pepe raa, no te tahe noa raa toto e tae noa'tu i to'na poheraa.

Manu Patia.

O te pohe te mea i hinaarohia e Ramon Perez, ua ou'a oia i roto i te hoê anava'i, na te hinaaro ia haaparemo ia'na iho, e aita i maoro oia i roto i te pape, ua au oia i uta, i muri mai ua ite oia i te hoê vahi tei i roa i te manu patia, ua iriti oia i ta'na man ahu e ua haere oia i roto i taua vahi ra, e ua parahi oia i reira, ua tamata to'na metua vahine te mau ravea atoa ia haere mai oia i rapae i taua vahi ra aita ra i manuia i te hopea ua haere mai te mau mutoi e ua tutui ratou i te matie maro i pihai iho i taua vahi ra e na te auauahi i tahi e atu i te mau manu patia i rapae e ua rave ratou i taua taâta ra e ua afai hia oia i te fare ma'i, e aita i maoro ua pohe atu ra oia,

Ua fanau.

I te 4 no Atete i mairi a'enei ua fanau te vahine o Joek Dempsey te hoê tamarii tamahine. Teie ta raua tamarii matamua e ua mauruuru roa ia raua.

E pahi apî.

I te 11 no Tetepa i mairi a'enei, ua reva te tahi mau tamarii Tahiti na nia i te pahi ve'a, no te haereraa i Tarafonia. Te tumu o to ratou tere te haere ia e tii i te hoê pahi, o "Tooya," no te afai mai i onei i Tahiti nei no te monoraa i te pahi ra o "Ville de Papeete". tei parari a'enei i Haraiki. Na roto i te reira ohipa te ite nei tatou e, aita tatou i haamo'e hia e to tatou Hau, no te mea ua riro taua pahi ra o "Ville de Papeete" ei tanturu rahi no te mau taata o te Tuamotu.

Mai te au i te mau parau i faaite hia e tae mai taua pahi apî ra o "Tooya" i roto i te ava'e Atopa nei, e e haamata oioi oia i te tere atu na te Tuamotu. E tae te tere o taua pahi ra i te 14 maile i te hora. E' mea tere mau ia, e ere anei.

Ua riro tere.

Ua riro faahou te rê faatere pahi reva no te mau vahine ia Mlle Helene Beuchea o te hoê ia vahi no Farani. Teie te toru o te taime i riro ai te rê ia'na no te faatere pahi reva no te mau vahine ia'na. Ua tere to'na pahi reva e 438 Kilometers (272,15 maile) i te hora.

LOUIS DROLLET *Gérant*

L. R. MALLORY *Imprimeur.*

Rue Dumont d'Urville, Orovini, Papeete, Tahiti.

tahi
taeae
vai
i hin
hapa
Mate

te ho
ohipa

maitil
Lima
pohe
Franc
1880
raa i t